



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Broj: 10-14-31387/18

Datum: 02.11.2018. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14) i Preporuke Komisija za provođenje postupka javne nabavke roba – Nabavka i isporuka inzulinskih pumpi za djecu oboljelu od dijabetesa – inzulinoovisnika od 30.10.2018. godine, Ministrica zdravstva Kantona Sarajevo, donosi

## **ODLUKU**

**o izboru najpovoljnijeg ponuđača u otvorenom postupku javne nabavke sa međunarodnom objavom - Nabavka i isporuka inzulinskih pumpi za djecu oboljelu od dijabetesa – inzulinoovisnika**

### **Član 1.**

#### **(Predmet Odluke)**

Prihvata se Preporuka Komisije za provođenje postupka javne nabavke roba – Nabavka i isporuka inzulinskih pumpi za djecu oboljelu od dijabetesa – inzulinoovisnika i ugovor za javnu nabavku dodjeljuje se najpovoljnijem ponuđaču „NOVOPHARM“ d.o.o. Sarajevo, zaprimljena pod brojem: 10-14-36023/18, za ponudenu ukupnu cijenu u iznosu od 254.297,18 KM bez PDV-a (297.527,70 sa PDV-om).

### **Član 2.**

#### **(Prijedlog ugovora)**

(1) Prijedlog ugovora dostavit će se na potpis izabranom ponuđaču u skladu sa članom 72. Zakona o javnim nabavkama („Službeni glasnik BiH“, broj 39/14) (daljem tekstu: Zakon).

(2) Izabrani ponuđač je dužan dostaviti dokumente zahtjevane tenderskom dokumentacijom iz člana 45. Zakona u roku od 5 dana od dana prijema ove odluke.

### **Član 3.**

#### **(Objava Odluke)**

Ova odluka objavit će se na web-stranici ugovornog organa <http://mz.ks.gov.ba> istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

## **O B R A Z L O Ž E N J E**

Postupak javne nabavke pokrenut je Odlukom o pokretanju postupka javne nabavke broj: 10-37-31387/18 od 3.09.2018. godine.

Javna nabavka je provedena putem otvorenog postupka javne nabavke sa međunarodnom objavom.

Ukupna procijenjena vrijednost nabavke iznosi 256.000,00 bez PDV-a.

Obavještenje o nabavci broj: 1332-1-1-13-3-1/18 objavljeno je dana 21.09.2018. godine.

Tenderska dokumentacija objavljena je na portalu javnih nabavki dana 12.09.2018. godine.

Komisija za javnu nabavku imenovana je Rješenjem broj: 10-37-31387/18 od 3.09.2018. godine.

Krajnji rok za prijem ponuda bio je: 29.10.2018. godine do 12:00, a javno otvaranje ponuda je izvršeno je u Multimedijalnoj sali (ul. Reisa Džemaludina Čauševića 1), sa početkom u 13:00 h.

Komisija za javnu nabavku je Ministrici zdravstva Kantona Sarajevo dostavila Zapisnik o pregledu i ocjeni ponuda broj: 10-14-31387/18 od 30.10.2018. godine koji ujedno čini preporuku o izboru najpovoljnijeg ponuđača.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kojima je utvrđeno sljedeće:

- ukupan broj pristiglih ponuda: 1
- broj blagovremeno zaprimljenih ponuda: 1
- broj neblagovremeno zaprimljenih ponuda: 0
- broj prihvatljivih ponuda: 1
- broj neprihvatljivih ponuda: 0.

Komisija je pristupila analizi dostavljene dokumentacije u smislu provjere validnosti ponuda obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom i ostalim podzakonskim aktima.

#### **Prikaz prihvatljivosti ponuda prema obliku, sadržaju i potpunosti,**

<b>Uvjeti iz TD</b>	<b>Naziv ponuđača</b>	<b>„NOVOPHARM“ d.o.o. Sarajevo</b>
- Ponuda je blagovremena		Da
- Koverta ovjerena i potpisana od strane ovlaštene osobe ponuđača		Da
- Ponuda čvrsto uvezana		Da
- Stranice ponude su označene brojem		Da
- Ponuda je zajedno sa pripadajućom dokumentacijom pripremljena na jednom od službenih jezika u Bosni i Hercegovini, na latiničnom ili ćirilničnom pismu		Da
- Ponuda dostavljena u originalu i u jednoj kopiji		Da
- Izjava o roku isporuke (30 dana)		Da
- Izjava o mjestu isporuke (Apoteka koju odredi ponuđač, a koja posjeduje odobrenje za rad izdato od Ministarstva zdravstva Kantona Sarajevo) - skladištenje		Da
- Izjava o prihvatanju roka i načina plaćanja		Da
- Izjava o nepromjenjivosti cijene		Da
- Obrazac za ponudu		Da
- Obrazac za cijenu ponude		Da
- Izjava o ispunjenosti uslova iz člana 45. stav (1) tačkaka od a) do d) Zakona o javnim nabavkama		Da
- Izjava ponuđača iz člana 52. Zakona o javnim nabavkama		Da
- Da li ima povjerljivih informacija		Ne
- Obrazac izjave o prihvatanju općih i posebnih uslova tenderske dokumentacije		Da
- Nacrt ugovora		Da

- Tehnička specifikacija	Da
- Potrda da je medicinsko sredstvo upisano u registar medicinskih sredstava pri Agenciji za medicinska sredstva BiH	Da
- Veleprometnik ima dozvolu Agencije za promet na veliko svim medicinskim sredstvima, odnosno da je upisano u Registar veleprometnika koji imaju dozvolu Agencije za promet na veliko Klasom II i ostalim nižim klasama medicinskih sredstava	Da

Red. br.	Broj protokola ugovornog organa	Naziv ponuđača	Datum i vrijeme prijema	Ukupna cijena ponude u KM bez PDV-a	Ukupna cijena ponude u KM bez PDV-a
1	10-14-36023/18	„NOVOPHARM“ d.o.o. Sarajevo	29.10.2018. u 8 <sup>45</sup> h	254.297,18	297.527,70

Uvidom u priloženu dokumentaciju i suštinskom provjerom sadržaja i validnosti dokumentacije. Komisija je utvrdila da je ponuđač „NOVOPHARM“ d.o.o. Sarajevo dostavio kompletnu i formalno pravno prihvatljivu ponudu.

Na osnovu navedenog, Komisija je konstatovala da je u predmetnom postupku zaprimljena samo jedna ponuda, koja je formalno pravno i tehnički prihvatljiva, te je shodno tome jednoglasno dala preporuku da se predmetni ugovor dodijeli ponuđaču „NOVOPHARM“ d.o.o. Sarajevo.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku, a izbor najpovoljnijeg ponuđača je izvršen u skladu sa Zakonom, podzakonskim aktima i tenderskom dokumentacijom.

Izbor ponuđača je izvršen primjenjujući kriterij najniže cijene.

Iz navedenih razloga, primjenom člana 64. stava (1) tačka b) Zakona, odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 10 (desett) dana od dana prijema ove Odluke, na način propisan članom 99. Zakona.



Prilog: Zapisnik o pregledu i ocjeni ponuda

Dostaviti:

1. Ponuđaču
2. a/a



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243  
Sarajevo, Reisa Džemaludina Čauševića 1

